

廣東圖說

廣東通志

三水縣圖

三水縣圖

西三度半

三十二度半

三十二度

西三度半

清遠縣界

花縣界

南海縣界



度四西

度四西

清遠縣界
四會縣界

四會縣界

高要縣界

高明縣界

南海縣界

高明縣界

三度半

三度

三水縣

縣治在府城西北二百七十里漢四會縣地唐宋以後爲南海高要二縣地明嘉靖五年分置三水縣今因之

城周六百七十五丈高一丈五尺無濠

七星岡城東四里七峯相連形似故名西爲青岡

金帽嶺城東六里一名鐵帽嶺右峰卓立雄峙縣左上有蓮珠峰

浮沈石城東南一里大江中石上皆龜兆文

魁岡城東南一里一名龜岡形如圓珠上有古塔

崑都山城南三里北臨大河卽古三水鎮今遺址尙存宋時嘗

立斥堠於此南爲王山

大堯山城南七里上有巨人跡黃牛石下有乳泉谷石上流泉
四時清冽

牛嶺岡城南四十里與金洲山並峙

金洲山城南四十里一名金鐘岡屹峙西江中流下有婆角灘
東南岸爲谿陵岡有大石曰新婦石西界高要縣
將軍嶺城西南七里有巨石出泉入於大江

大路峽城西南十里兩山對峙廣數十畝江流其中西北有鰲
魚灘漲潦甚急最爲險阻行者難之

橫石嶺城西十五里東爲良岡西南界高要縣

青龍岡城西北十五里東爲豐岡又東爲望樓岡南爲竈岡又南爲下勤岡西界高要縣

朱祿岡城北十里爲縣鎮山東南爲城隍山

老鴉岡城北四十里西界四會縣

大潭山城北五十五里石壁數仞飛瀑如練下注二潭左曰龍湫右曰天生塘方廣二三畝深約丈許居民引以灌田有仙果園西界四會縣

柯木岡城北六十里西南爲象山又西南爲黃狗毛嶺又西南爲龜臺山東南爲風門凹又東南爲大潭山又東南爲蘆嶺西界四會縣

牛頭岡城北八十里西界四會縣北界清遠縣

城隍嶺城東北六里南爲金帽嶺

北鴉岡城東北四十里南爲大宜岡東南爲獨樹岡又東南爲斜岡

蜆壳岡城東北四十五里東界花縣

大望山城東北五十里南濱小河北爲羅傘嶺

蛇形岡城東北五十里東界花縣

福船岡城東北五十五里西爲蛇形岡南爲蜆壳岡東界花縣
華山城東北五十五里一名龍坡山上有大魁樓下有地藏寺
龍真堂真武廟金沙井

羅傘嶺城東北六十里頂上平原廣數十畝登之可望白雲羅浮飛來諸峰有瀑布飛流不絕南爲大望山北爲紗帽嶺

下界牌山城東北七十里南爲赤珠岡又南爲紗帽嶺東南爲彭岡又東南爲九十九岡東界花縣北界清遠縣

北江自清遠縣西南流入縣東北梅花村又西南流經下界牌汛清遠縣鴨浦水自西北來注之又屈東南流經大塘墟又東南流經胥江司署又屈西南流經蘆苞水汛蘆苞水自東北來會蘆苞水首受花縣白泥水西南流入縣東北何嶺村又西南流經羅傘嶺又西南流經長岐村分二派東派東南流經營邊墟又東南流經蜆壳岡又東南流入花縣西南境爲馬逕水西

派西南流經麥街又西南流經牛欄岡墟又西南流與北江會
北江又西南流經沙墩汛又西南流經泰益汛又西南流經黃
塘墟又西南流經流美汛又西南流經南津汛四會縣綏江自
西北來注之又屈東南流經木棉汛又東南流經縣城西南西
南別出爲思賢濬水又東南流經七星岡又東南流經西南汛
與三江水會三江水首受南海縣馬逕水西南流入縣東北田
寮村又西南流經祿步又西南流入南海縣西北境又西南流
入縣東北高豐村又西南流經駙岡又西南流經西南汛與北
江會北江又東南分流繞老沙復合又東南流分二派東派東
南流經沙頭鄉又東南流入南海縣西北境西派東南流爲橫

江又東南流經南沙鄉又東南流入南海縣西北境

西江自高要縣東北流入縣西南橫石嶺四會縣青岐水自西

北來注之又屈東南流經青岐墟高要縣古壩水自西南來注

之又東南流思賢濬水自東北來注之又東南流東南別出爲

馬口汛水又東南流經白泥墟汛白泥汛水自東北來注之又

東南流經洲石頭又東南分流繞金洲山復合大濬水自東北

來注之又東南流經橫村馬口汛水自東北來會馬口汛水首

受西江東南流經馬口汛西南別出爲白泥汛水又東南流經

大堯山西南別出爲大濬水又東南流經清塘卡又東南流經

鄧阮墟汛又東南流經莘村又東南流經銀洲又東南流與西

江會西江又東南流經新生汛又東南流經天湖塘又東南流入南海縣西南境

知縣一員

復設教諭訓導各一員

均駐城內

縣丞一員

駐西南墟

其屬大鄉七

楊梅堡城東十五里內有小村五十二屬縣丞者十九曰魁岡曰大塍山曰鹿洞曰西阮埭曰大山塘曰白沙曰逕口曰月桂甲曰岡根曰后岡曰埭心曰沙頭曰葛阮曰下岸曰橋頭曰張邊曰走馬塍曰橫涌曰下橫涌餘屬典史往來大道有西南墟汛老沙汛東界南海縣

南濠堡城東十五里內有小村一曰董東界南海縣

高豐堡城東十八里內有小村三曰驛岡曰高豐曰魯村東界

南海縣

南岸堡城東南十五里內有小村六曰白木曰沙水曰蔡院曰

陳涌曰南岸曰聚頭南界南海縣

田螺埗堡城東北三十五里內有小村一曰田螺埗南界南海

縣

祿步堡城東北三十五里內有小村四曰祿步小村曰祿步沙

頭曰桃埗曰下洞南界南海縣

賢寮堡城東北三十七里內有小村一曰田寮東南界南海縣

三水司巡檢一員

駐岡根村

其屬太鄉五

大路堡城南三十里內有小村三十五曰竹山曰鄺邊曰岡根
曰潮灣曰上塘曰下阮曰馬鞍岡曰桐油岡曰松岡曰大和曰
陳邊曰洲頭曰河洲岡曰上下鳳山曰大洲曰謝邊曰龍洲曰
彭阮曰芹阮曰西頭岡曰洲邊曰蜆壳頭曰上官員曰下官員
曰金竹曰走水岡曰大路曰海邊曰海邊南曰阮塘曰阮邊曰
上驪阮曰下驪阮曰沙塘曰松邊往來大道有大路墟

白泥堡城南三十五里內有小村二十二曰天湖曰周竈曰小
塘岡曰雲塘曰唐夏曰南邊曰上桂曰村頭曰白泥曰周石頭
曰大濬曰承東曰竹塢曰文山曰上竈曰中竈曰下竈上堡曰

下竈中堡曰龍頭堡曰牛嶺岡曰金牛岡曰金牛頭往來大道有白泥墟汛西界高要縣

堯福堡城南四十里內有小村九曰鄧阮曰周村曰莘村曰銀洲曰黃岡里曰龍池曰清塘曰又清塘曰歐陽往來大道有清塘墟汛鄧阮墟汛東界南海縣

華果堡城南五十里內有小村十七曰蓬村曰蓬村中堡曰蓬村上堡曰橫村曰新生曰新生中堡曰石牛岡曰角里曰岡頭曰岡頭中曰岡頭下曰鳳窠曰大岡外曰大岡裡曰大藁曰鹿大岡曰馬嶺尾有新生墟汛葫蘆嘴汛鶯埠石水汛東界南海縣南界高明縣西界高要縣

金青堡城西南二十里內有小村十六曰小洲曰大州岡曰良岡曰金利曰望樓岡曰社岡曰青龍岡曰瑞鳳曰老鴉洲曰角尾曰琴沙曰青岐曰竹洲曰良院曰旱塘曰豐岡有角尾墟小洲墟青岐墟汛西南界高要縣西北界四會縣

胥江司巡檢一員

駐蘆苞墟

其屬大鄉三

胥江西坊城西北七十里內有小村十五曰鴨埠水曰梅村曰樂塘曰風門凹曰新村曰蔣岸曰古塘曰下壩曰郭村曰蔣邊曰鄧邊曰硫磺曰鹿頸曰琛院曰步院有蔣岸墟西界四會縣胥江東坊城北六十五里內有小村二十曰謝街曰歐陽街曰范街曰麥街曰王灣曰劉寨曰田低曰彭園街曰下塘曰旺子